



Illersornissamut ministereqarfiup Illuutinut aqutsisoqarfia
Ingerlatsivinnut immikkoortortaqarfik, Nunami mingutsitsinermut
immikkoortortaq
Bouet Møllevej 5, DK-9400 Nørresundby

Att: Maren Kann Hostrup

**Kangilinnuani uumassusillit iluaqutigalugit nunamik
mingutsinneqarsimasumik minguiaavimmu VVM-imik suliaqarnerup
ingerlanera**

Nunamik uuliamik mingutsinneqarsimasumik saliinissamut uumassusillit
iluaqutigalugit nunamik mingutsinneqarsimasumik minguiaavimmik
(taagorneqartoq landfarming) pilersitsinissaq pillugu qinnuteqaat
Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfiup (matuma kingorna Naalakkersuisoqarfik) ulloq 22. marts.
2024 tiguaa.

Allakap ulluat: 01-05-2024
Suliap nr.: 2023 - 21968
Allagaatip ilisarnaataa:
24103908

Postboks 1614
3900 Nuuk
Oqa. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

*Suliassaq atortut ilaasa avatangiisinut sunniutaannik nalilersuineq aamma
avatangiisinik nakkutilliinermut akiliutit pillugit Namminersorlutik Oqartussat
nalunaarutaanni (NAL nr. 5, 27/03/2013) pineqartunut ilaavoq. Atortut
tamatigut VVM-imik pisussaaffeqarfiusartut, VVM-imut nalunaarummut
ilanngussaq 1-imi allassimapput. Ilanngussami taamaalilluni immikkoortoq 10-
mi allassimavoq: *Ikuallaanikkut, kemiit atorlugu suliarineqarlutik eqqakkanik
toqunartulinnik ulorinartunilluunniit igitsinermi atortut imaluunniit
eqqaavissuarmut inissiinerit.* Suliassaq taamaattumik VVM-imik
pisussaaffeqarfiuvoq aammalu minguiaaviup pilersinneqannginnerani
ingerlanneqalinnnginneranilu nalunaarummi § 19 naapertorlugu VVM-imut
akuersissuteqarnissaq pisariaqarpoq. Illersornissamut ministereqarfiup Illuutinut
aqutsisoqarfia sanatitsisuuvoq.*

VVM-imik nalunaarutiginninnermut Naalakkersuisoqarfiup oqaaseqaatai
VVM-imik nalunaarutiginninnerup, ilanngullugu VVM-imut immersugaq
nassiuuneqartoq, misissorneqarneranut atatillugu Naalakkersuisoqarfik
oqaaseqaatissaqarpoq, Terms of Reference-mi (ToR) pisussami tamatumalu
kingorna VVM-imut nassuiaammi iluaqutaasumik
isumaliutersuutigineqarsinnaasunik paasinarsisinneqarsinnaasunillu.
Oqaatigineqassaaq allattukkat tamakkiisuunngimmata aammalu
Naalakkersuisoqarfiup VVM-imik suliaqarnerup ingerlanerani ilitersuutaa,
ataatsimut isigalugu Naalakkersuisoqarfiup innersuussutigaa, tassani ilaallutik
ToR sunik imaqaassanersoq aammalu tamatuma kingorna ToR-imut
nassiuuneqartumut oqaaseqaateqarnissamut periarfissaqarnissaq sillimaffigalugu.

Nalunaarutiginninnermi paasissutissiissutigineqarpoq nunap
mingutsinneqarsimasup annertussusaa katillugu 17.000 m³ angullugit
annertussuseqartutut missiliorneqartoq, uuliataqartunik 110 ton angullugit
imaqartutut missingersorneqarluni. Mingutsitsiviusimasup toqqartueqqissaarluni
killissalersorneqarnerata saniatigut, pingaartumik imartanit

kinguaattoortitsisussanit imeq atorneqanngitsoq, ilanngullugu Arsuup kangerluanut kuutsitsineq, VVM-imik suliaqarnerup ingerlanerani pisussami ukkatarineqartussaatur Naalakkersuisoqarfiup naatsorsuutigaa.

Ingerlatassat pujoralannit tipiliornernillu akornusiinermik pilersitsisinnaasut nassuiarneqarnissaat, ilanngullugulu pitsaaliuisussanik iliuseqartoqarnissaa, pingaaruteqartoq Naalakkersuisoqarfiup aammattaaq oqaatigaa.

Nalunaarutiginninnermi ujaraarartarfimmit pioreersumit ujaraaqqanik piiaanissaq taaneqarpoq. Avatangiisinut inatsit¹ malillugu aalajangersakkani aatsitassat aammalu taakkununga pingaarutilinnik toqqaannartumik suliaqarnissaaq ilaatinneqanngimmata (takuuk Avatangiisinut inatsimmi § 4), Naalakkersuisoqarfiup tassani eqqumaffigeqqussavaa. Taamaalilluni ujaraaqqanik piiaanissaq Aatsitassanut ikummatissanullu inatsimmi² pineqartunut ilaatinneqarpoq aammalu sumiiffinni ujaraaqqanik piiaanissaaq kissaatigineqarpat, Naalakkersuisoqarfiup Aatsitassanut Ikummatissanullu Aqutsisoqarfimmut tamanna innersuutissavaa.

Piffissami sanaartorfiusumi atortut *suliffeqarfiit mingutsitsivallaartut il. il. avatangiisinut tunngatillugu akuersissuteqarfigineqartarnerat pillugu Namminersornerullutik Oqartussat nalunaarutaannut* (NAL nr. 11, 20. august 2004) Ilanngussaaq 1-imi allassimasut atorneqartussaappata, tamanna/taakkua taamatutaaq nassuiarneqartussaapput aammalu suliasamat VVM-imut nassuiaammii nalilersorneqartussaallutik.

Suliasami avatangiisinut sunniutaasussanik nalilersuisinnaanissamat misissuinerit sorliit ingerlanneqassanersut, sanatitsisup nassuiartussaavaa. Taamatutaaq misissuinerit sooq toqarneqannginnersut nassuiarneqartariaqarpoq. Kiisalu suliasap avatangiisinut sunniuteqarnissaata paasinarsisinnissaanut, VVM-imut nassuiaammii ilisimasat aamma paasissutissat nalunaarsukkat tunngaviusussat pioreersut qanoq atorneqarniarnersut, nassuiaammik ToR imaqartussaavoq. Siusinnerusukkat maannakkullu malinnaaffiginninnermut pisussanut pilersaarutinit, sumiiffimmi paasissutissanik nalunaarsukkanik misissuinerinillu peqarnissaa naatsorsuutigineqartariaqartoq, Naalakkersuisoqarfiup innersuussutigaa.

Piffissamat pilersaarummut najoqqutassat sanatitsisumit tiguneqartut apeqqutaapput, tamatumani ToR-imut aamma VVM-imut nassuiaammut tunngatillugu kiisalu suliap ingerlanerani sanatitsisup oqaloqatigineratigut. VVM-imik suliaqarnerup ingerlaneranut aamma piffissamat pilersaarummut, pisussat akuersissuteqarnerillu tamarmik apeqqutaasussaapput, tassani ilaatigut ToR Naalakkersuisumit akuersissuteqarfigineqartussaavoq, aammalu VVM-imut akuersissuteqarneq Naalakkersuisuni politikikkut suliarineqartussaalluni.

¹ Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

² Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-meersoq

Sanatitsisoq matuma siuliani allassimasunut imaluunniit ataatsimut isigalugu VVM-imik suliaqarnerup ingerlaneranut apeqqutissaqarpat Naalackersuisoqarfik piareersimavoq.

Maalaaruteqarnissamut ilitsersuut

Avatangiisit innarlitsaaliorneqarnissaannik Inatsisartut inatsisaanni nr. 9-mi, 22. november 2011-meersumi, kingusinnerusukkut allannguuteqartinneqartumi § 60 naapertorlugu aalajangiineq manna Avatangiisit Innarlitsaaliorneqarnissaannut Maalaaruteqartarfimmut, Naalackersuisunit pilersinneqarsimasumut maalaarutigineqarsinnaavoq.

Piffissaq maalaaruteqarfiususaaq avatangiisinik innarlitsaaliuinnermut inatsimmi § 60, imm. 3 naapertorlugu aalajangiinerup nalunaarutigineqarneraniit naatsorlugu sapaatit akunnerinik arfinilinnik sivilissuseqarpoq.

Maalaarutaasinnaasut uunga nassiunneqassapput:

Namminersorlutik Oqartussat

Nunalerinnermut, Imminut Pilersornermut, Nukissiutinut Avatangiisinullu

Naalackersuisoqarfik

Postboks 1614

3900 Nuuk

Tamatuma kingorna maalaarut najoqqutassanik suliap naliliiffigineqarnissanut ilaasussanik ilaqartillugu Nunalerinnermut, Imminut Pilersornermut, Nukissiutinut Avatangiisinullu Naalackersuisoqarfiup maalaarut Avatangiisit Innarlitsaaliorneqarnissaannut Maalaaruteqartarfimmut nassiutissavaa. Tamatuma peqatigisaanik suliami akuusut suliami maalaarummik takkuttoqarnera pillugu ilisimatinneqassapput.

Inussiarnersumik inuulluaqqusillunga



Natuk Lund Olsen

Naalackersuisoqarfimmi Pisortaq Nunalerinnermut, Imminut Pilersornermut, Nukissiutinut Avatangiisinullu Naalackersuisoqarfik